

verit, secundo tertiove commonita, si non satisfactio-
ne congrua emendaverit, potestatis honorisve
sui dignitate careat, reamque se divino iudicio
existere de perpetrata iniquitate cognoscat, atque a
sanctissimo corpore et sanguine Dei ac redemptoris
nostri Jesu Christi aliena fiat, et in extremo exa-
mine districtæ ultioni subjaceat. Cunctis autem
eidem loco justa servantibus sit pax Domini nostri
Jesu Christi, quatenus et hic fructum bonæ actionis
percipiant, et apud districtum iudicem præmia æter-
næ pacis inveniant.

CCLIV.

*Urbani II epistola ad Rodolphum comitem. — Pro
immunitate ecclesiasticâ.*

(Intra an. 1088-1099.)

[MANSI, *Concil.* XX, 659.]

Nosse te volumus quia nulli sæcularium domino
potestatem in clericos habere licet; sed omnes
clerici episcopo soli esse debent subiecti. Quicum-
que vero aliter præsumperit, canonicæ procul
dubio sententiæ subjacebit.

CCLV.

*Urbani II epistola ad Hugonem Lugdunensem
archiepiscopum.*

(Intra an. 1088-1099.)

[MANSI, *Concil.* XX, 677.]

URBANUS II HUGONI Lugdunensi archiepiscopo.

Lugdunensis parœciæ clericos, quos contra sta-
tuta canonum et ab alterius parœciæ episcopis ordi-
natos litterarum tuarum significatione monstrasti,
cum gradum suorum honore recipere religionis
tuæ prudentia poterit, si eos alias canonicè et
sine gravitate aliqua ordinatos constiterit, si tamen
eorum vitam probabilem id indulgentiæ prospexe-
ris promereri. Legimus quippe sanctum Epiphanium
episcopum ex diœcesi sancti Joannis Chrysostomi
quosdam clericos ordinasse, quod sanctus vir om-
nino non fecisset, si eis detrimentum ferre perpèn-
disset. Quos igitur recipiendos moderatio tua arbi-
trata fuerit, injuncta satisfactionis gratia propter
Ecclesiam quam offenderunt congrua poenitentia
miserationis intuitu in suo quemque honore recipias,
salva in omnibus sanctorum canonum disciplina.

CCLVI.

*Urbani II epistola ad Ebrédunensem, Vapincensem et
Diensem episcopos. — Antequam reconcilientur, fi-
delitatem excommunicatis nullus servare cogitur.*

(Fragm. — Intra an. 1088-1099.)

[GRATIAN., *Decret.*, C. xv, qu. 6, c. 5.]

Juratos milites Hugoni comiti, ne ipsi, quandiu
excommunicatus est, serviant, prohibeto. Qui si sa-
cramenta prætenderint, moneantur oportere Deo ma-
gis servire quam hominibus. Fidelitatem enim quam
Christiano principi jurarunt, Deo ejusque sanctis
adversanti, et eorum præcepta calcanti, nulla cohi-
bentur auctoritate persolvere.

(50) Quæ prius Cluniacensibus ad informandum
Sithiense S. Bertini monasterium advocaverat Cle-
mentia, eadem anno 1112 ut inde eicerentur illi

PATROL. CLI

CCLVII.

*Urbani II epistola ad Hugonem, episcopum Graïno-
politanaum. — Extraordinaria pollutio in naturali-
bus non impedit matrimonium.*

(Fragm. — Intra an. 1088-1099.)

[GRATIAN., *Decret.*, C. xxxv, qu. 2, c. 11.]

Extraordinaria pollutio non nisi in naturalibus
admissa, vel sæpius reiterata, citra maritalem affe-
ctum, si præbitis sacramentis ita esse constiterit
quemadmodum nobis tuis significatum est litteris,
non videtur matrimonium impedire, quamvis ipsa est
eriminosa et damnabilis.

CCLVIII.

*Urbani II papæ epistola ad Hugonem Cluniacensem
abbatem. — S. Bertini monasterium ei juxta con-
suetudines Cluniacenses informandum concedit.*

(Intra an. 1088-1099.)

[D. BOUQUET, *Recueil*, t. XIV, p. 737.]

URBANUS episcopus, servus servorum Dei, venera-
bili fratri HUGONI, Cluniacensi abbati, salutem et
apostolicam benedictionem.

Justis precibus ministerium nostrum deesse non
debet. Ideo Flandrensium comitissæ preces, quas
abbate B. Bertini suggerente mandavit, admittendas
fore decrevimus. Postulavit (50) enim ut B. Bertini
monasterium tuæ tuorumque successorum provi-
dentia disponendum curandumque committeremus:
quod nos, qui pro commisso officio salutis omnium
providere debemus, clementer annuimus. Tuam ergo
fraternitatem auctoritate præsentium litterarum com-
monemus, ut monasterium ipsum in tua deinceps
provisione suscipias, abbatemque, si disciplinæ mo-
nasticæ inconveniens fuerit, amovere facultas vobis
libera permittatur, salvo quidem diœcesani episcopi
jure, scilicet ut vobis in monasterii correctione ob-
viare non valeat.

CCLIX.

*Privilegium Urbani II papæ Raginero abbati mo-
nasterii S. Petri Crispiniensis Romæ concessum.*

(Intra an. 1088-1099.)

[*Gall. Christ.*, tom. III, Instrum., p. 26.]

URBANUS episcopus, servus servorum Dei, charis-
simo filio suo RAGINERO, abbati monasterii Sancti Petri,
quod est situm in villa quæ vocatur Crispiniam
super fluvium Hon, in pago Hainau.

Tuis igitur, dilectissime in Christo fili, justis po-
stulationibus annuentes per præsentis privilegii pa-
ginam Beati Petri monasterium, in quo beatus Chri-
sti confessor Landelinus quiescit, sitam in villa quæ
dicitur Crispinium, super fluvium Hon, in pago Hai-
nau, regendum ac disponendum tibi tuisque legitimis
successoribus confirmamus. Adjacentem etiam vil-
lam supranominatam a Novo Fossato cum omnibus
possessionibus suis in pratis, in agris cultis aut in-
cultis, in aquis aquarumve decursibus, et silvam
quæ Ambligis dicitur, sicut a bonæ memoriæ comite
Balduino et matre ejus Richilde beato Eandelinio

vires et animum applicuit. De quo legendus Iperius
apud Martenium, tom. III Anecd., col. 608.